

DE LEGIBVS  
ROMANORVM SVMTVARIIS  
EXERCITATIONEM  
AMPLIS. ORDIN. PHILOS. CONSENSV

D. XV SEPT. A. G. N. CIOIOCCLI

AD DISCEPTANDVM PROPONIT  
FRIDERICVS PLATNER  
ARTIVM MAGISTER IVRIS  
VTRIVSQUE CANDIDATVS  
DEFENSORE  
ROMANO TELLERO  
LIPSIENSI



LIPSIÆ  
EX OFFICINA BREITKOPFIA



VIRO MAGNIFICO

SVMME REVERENDO  
EXCELLENTISSIMO

CHRISTIANO FRIDERICO  
BOERNERO

S. THEOLOGIAE DOCTORI EIVSDEMQUE  
PROFESSORI PRIMARIO ECCLESIAE CATHE-  
DRALIS MISNENSIS CANONICO AC SENIORI  
ACADEMIAE DECEMVIRO CONSISTORII LIPSI-  
ENSIS ASSESSORI ALVMNORVM ELECTORA-  
LIVM EPHORO COLLEGII MAIORIS PRINCI-  
PVM COLLEGIATO EIVSDEMQUE VT ET  
TOTIVS ACADEMIAE NATIONISQUE  
BAVARICAE SENIORI  
MERITISSIMO

PATRONO OPTIMO



*N*on opus sane est, *VIR*  
*MAGNIFICE*, ut,  
qui Tuam in me noui singu-  
larem indulgentiam, causas  
huic meae epistolae et excu-  
sationes longinque conqui-  
ram. Etenim cum me toties  
Te adeuntem beneuole exce-  
peris, quid esset tandem, cur  
in praesenti destituerer spe  
humanitatis Tuae? quae Ti-  
bi ita coniuncta est, ut a Te  
secedere non possit. Quam ob  
rem

*rem beneuole, ut Tibi solemne  
est, velis accipere, rogo, quod  
huic dissertationi praesidium  
et ornamentum, a Venerabili  
Tuo nomine petere ausus sum.  
Quod, ut facerem, non solum  
summa, qua Te colo, reueren-  
tia, et nascendi felicitas, quae  
me a primo tempore in clien-  
telam Tuam tradidit, moue-  
runt et incitarunt, sed et hu-  
ius praesertim temporis me-  
moriam, quo scio omnes, qui Te  
colunt, semisecularia Acade-  
mica*

*mica Tua celebrare. Acce-*  
*pisti enim, quod cum summa*  
*sequentis temporis felicitate*  
*factum est, ante hos quinquā-*  
*ginta annos, iura Lipsiensis*  
*academiae, quae toties postea*  
*curae Tuae atque fidei, feli-*  
*cissimo euentu, tota fuit com-*  
*missa et quae hodie etiam Tuo*  
*nomine eruditioneque Tua il-*  
*lustratur. Cum itaque hic an-*  
*nus omnibus, qui in clientela*  
*Tua sunt, VIR MAGNI-*  
*FICE, tam sit memorabilis et*  
*lae-*

*laetus, ego quoque non potui  
aut debui laetitiam meam diu-  
tius continere, quam votorum  
pietate maxime reddam in-  
signem. Seruet TE DEVS,  
VIR MAGNIFICE, saluum,  
sospitem et florentem, tam diu,  
vti omnes, qui merita Tua ce-  
lebrant, a DEO precantur,  
id est diutissime.*

**MAGNIFICI  
NOMINIS TVI**

Dabam Lipsiae d. XII. Sept.

A. C. N. CIO DCCC LI

*Cultor perpetuus*

**FRIDERICVS PLATNER.**





# DE LEGIBVS ROMANORVM SVMTVARIIS

EXERCITATIO PRIMA

---

PRAEPARATIO



Legum sumptuariarum apud Romanos historiam scripturus, mihi id agendum esse video, vt quid efficere, aut ex qua formula a Lectoribus velim iudicari, ostendam. Cum autem argumentum quaerem academicae dissertationi, quod cum varietatis ac nouitatis aliquam haberet commendationem, tum etiam a meis litteris, iurisque disciplina non plane ab horreret, ex vtroque capite mihi leges sumptuariarum fuerunt probatae. Primo enim tanta est rerum in iis propositarum diuersitas atque multitudo, vt aspicientem eas animum singulari quadam afficiat voluptate; deinde a nemine, quod sciam, tota harum legum successio fuit delineata, ita vt in

A

hoc

hoc aliquid et nostrae diligentiae relictum videretur, tandem etiam, tam arcto sunt legum historiae, cum vniuersa iurisprudentia, coniunctae vinculo, ut nemo rationem et inmutationem legum possit cognoscere, nisi historiae fuerit ministerio adiutus. Etsi autem leges sumptuariae ad ius publicum populi Romani pertinent, neque tamen ius privatum sine publici cognitione satis poterit intelligi.

Quod tandem ad rationem attinet, qua legum istarum historiam contexere animus est, trium classium esse omnes Leges Romanorum sumptuarias existimo. Aliae enim regum sunt aut Decemvirorum; aliae post XII Tabulas magistratuum numerantur, aliae occupata re Romana Imperatorum reperiuntur constitutiones. Primam classem hac dissertatione enarrabo. Pertinent vero ad sumptuarias leges omnes eae, in quibus nimis sumptibus modus definitur. Cuius generis multae sunt, in aliis enim gulae incontinentiae ciborumque varietati et multitudini, in aliis funerum superstitioni et profusioni, in aliis etiam aliis libidinibus voluerunt occurrere, legum istarum latores. Primae dissertationis capita, maximam partem funeraria sunt; in quibus nihil fere aliud a me factum esse profiteor, quam ut sententias doctorum hominum colligerem, optatumque earum novis forsitan argumentis confirmarem. Sed aliter fieri non potuisse, quicumque rem velit curatius considerare facile intelliget.

telliget. Aut enim quod iure fieri vix poterat, primae leges sumtuarioe, quae Codicis Papiriani fragmentis et XII Tabularum reliquiis continentur, omnino fuissent praetermittendae, aut si erant enarrandae, debebant variae earum interpretationes earumque auctores describi. Quod cum ego feci neque dedecori mihi futurum esse existimo me in rebus tam antiquis, a summis viris LVDOVICO CHARONDA, FRANCISCO HOTOMANO, FRANCISCO BALDVINO, PARDVLPHO PRATEIO, ANTONIO CONTIO, IACOBO RAEVARDO et qui in XII Tabularum collectione primus debuisset nominari IACOBO GOTHOFREDO didicisse. Altera dissertatione si primam hancce non aegre tulisse doctos homines sensero, Liberæ Romæ leges sumtuarias post XII Tabulas a magistratibus propositas, exponam.



## CAPUT I

*Lex Numae Pompilii, de piscibus in  
coenis deorum adhibendis ex*

PLINIO et FESTO



Numa Pompilius Romuli successor, et alter fere, propter legum propositarum utilitatem et cultum diuinum institutum, Romani imperii conditor, ille est, cui primam sumtuariam legem debemus. Hic enim cum deorum cultui nihil tantopere nocere videret, quam si nimio sumtu adhibito, molestus pauperibus redderetur, legem proposuit, qua piscium genera in deorum coenis adhibenda, definiuit. Auctorem huius rei habemus CAIVM PLINIVM SECVNDVM\*. Numa inquit  
consti-

a) *Historiae Naturalis* Li. XXXII  
c. II. §. 10.

b) *De verborum significatione*  
Li. XIII. sub voce POLLVCERE.

constituit, ut *pisces qui squamosi non essent ni polluerent, parcimonia commentus, ut conuiuia publica et priuata, coenaeque ad puluinaria facilius compararentur, ni qui ad polluctum emerent, pretio minus parcerent eaque praemercentur.* Eiusdem legis mentionem <sup>1</sup>facere videtur SEX TVS POMPEIVS FESTVS <sup>2</sup>in lacero quodam loco, *Pollucere ait merces - - - - - liceat sunt far, polenta, vinum, panis fermentatus, ficus passa, suilla, bubula, agnina, casei, ouilla, alica, sesama et oleum, pisces quibus est squamma praeter scarum.* In hoc loco resarciendo elaborarunt viri doctissimi ANTONIVS. AVGVSTINVS et IOSEPHVS SCALIGER <sup>3</sup>. AVGVSTINVS existimauit legendum esse *Pollucere Mercurio quae liceat etc.* At melius restituisse mihi videtur eundem locum SCALIGER sequenti ratione emendans, *Pollucere merces diis quas liceat sunt far etc.* Sed ut iam ad hanc ipsam legem reuertamur, ex PLINII <sup>4</sup> loco satis patet, hanc legem ad sumtuarias esse referendam. Etenim cum nulla de alia causa hanc legem scripserit Numa, quam *ut conuiuia publica et priuata, coenaeque ad puluinaria facilius compararentur,* apparet, pisces qui squamosi non essent, non propter religionem; aut quod minus gratos diis arbitraretur, aut aliam ob

causam

A 3

c) In animaduersionibus ad FESTVM. in ANDREAE DA

CERII editione FESTI p. 354.  
d) l. c.

causam fuisse prohibitos, sed solum propterea ut sumtibus parceretur. Cum ita ex PLINII verbis demonstrauerimus, hanc legem merito a nobis inter sumtuarias esse relatum, in eo nunc nobis elaborandum est, ut quantum pro rerum istarum antiquitate poterit fieri, verba ipsius legis restituamus, sententiamque eorum explicemus. Quod primo ad verba attinet, FVLVIVS VRSINVS ita hanc legem expresse PISCIBUS. QVEI. SQVAMOSI. NON. SENT NEI. POLVCETO. SQVAMOSOS. OMNEIS. PRAETER SCAROM. POLVCETO, atque eodem fere modo, mutata saltem scriptura, IOSEPHVS SCALIGER hanc Numae legem reddidit. Quare cum super ipsa lege nihil habeamus monendum, de sententia reus legis dicendum est. Primo quidem cum tota haec lex de polluctu agat, de hoc sacrorum ritu exponendum esset, nisi me doctrina Viri Celeberrimi IOHANNIS MATHIAE GESNERI ab hoc labore liberasset, qui multis scriptorum testimoniis demonstravit, *Pollucere* dici diis aliquid offerre et iisdem consecrare. Iam itaque facile patet ex hac verbi sen-

e) In notis ad FESTVM l. c.

f) Vide *Thesaurum Linguae Latinae* Tomo III p. 935. ubi omnia verba huc pertinentia illustrantur.

g) *Historiae Naturalis* Li. XXXII cap. 2.

b) *Saturnaliorum* Li. II. c. 12.

i) Vide praeter eos PAVLVM IOVIVM de *Piscibus Romanorum* c. II et IOHANNEM MATHIAM GESNERVM in *Thesouro Linguae Latinae* Tomo III pag. 320. mi-

tentia, totam hanc legem, ad sacra pertinuisse, modum  
que superstitioni hominum fuisse constitutum. Cur vero  
Pisces qui squamosi non sunt, non debeant pollucere, expe-  
dita est responsio, quoniam sine dubio eius generis pisces ra-  
tiores eo essent tempore, quod et patet ex eo, quod scarum  
Numa inter squamosos exceperit. Quam vero hic piscis,  
quem scarum vocant, fuerit celebratus, tam ex PLINIO  
quam etiam ex MACROBIO<sup>b</sup> discimus.



CAPVT

ror IOHANNEM MANEL  
PHVM in *mensa Romana*, de Sea-  
ro nihil dixisse, de tota praeterea  
haec lege aduindi sunt FVLVIVS  
VRVINVS in *notis ad IANTO*  
NIVM AVGVSTINVM de  
*Legibus* p. 6. et CHRISTIA-

NVS GODOFREDVS HOFF  
MANNVS in *Historia Iuris Ro-*  
*mani Iustiniani* Vol. II p. 33. et  
qui haec nuper apud Gallos repe-  
tit ANTOINE TERRASSON  
dans *l'histoire de la Jurisprudence*  
*Romaine* p. 32.

## CAPUT II

*Altera Numae lex de libationibus  
et rogorum resperſione, ex eodem*

PLINIO

Numae haec quoque lex eſt, quem in ſacrorum funerum  
que religione inſtituenda ſummam curam adhibuiſſe  
e LIVIO a diſcimus. Huius etiam legis memoriam ma-  
iori PLINIO b debemus, cuius haec verba ſunt. *Numae  
regis Poſtulia lex eſt, Vino rogi ne reſpergito, Quod  
ſauxiſſe eum propter inopiam rei nemo dubitet. Eadem lege  
ex imputata vite libari vina diis neſas ſtatuit, ratione ex-  
cogitata, ut putare cogerentur. Duo huius legis capita eſſe  
ipſe PLINIVS oſtendit, primum eſt de rogi reſperſione;  
alterum*

a) *Hiſtoriarum* Li. I c. 20.

b) *Hiſtoriae Naturalis* Li. XIII  
c. 12 in hoc loco ſuſpicio pro Nu-  
mae regis POSTVMA lex eſt  
forſan legendum eſſe Numae regis  
POSTVMA lex eſt.

c) Ad ANTONIVM AV-  
GVSTINVM de legibus p. 6.

d) Vide apud FVLVIVM VR-  
SINVM l. c.

e) *De Legibus* Li. II c. 24. vide  
ad eum locum, ADRIANVM  
TVRNEBVM in editione ſua,  
huius libri Ciceroniani, quae prodit  
*Pariſiſis* a. MDLXVII apud Mo-  
rellum 410 p. 178. et praeterea DA



Alterum ne ex imputata vite Diis libarent. Primae legis verba ita expressit FVLVIVS VRSINVS<sup>c</sup>; VINO ROGON NEI RESPERGITO. Quaesitum fuit, an hoc loco debeat scribi, VINO ROGON NEI NESPARGITO EX FESTI<sup>d</sup> epitomes auctoritate, vbi RESPARSV<sup>m</sup> VINVM legitur. At confirmatur superior lectio, cum ex CICERONE, tum etiam ex ipsis Plinianis verbis. Quod ad causam huius legis attines, videtur olim hic mos apud quosdam populos Numae tempore obtinuisse, ut rogam eo tempore, quo cadauer cremaretur, vnguentis et vino praecipue respergerent, ne qui proximi essent, foetoris incommoda ferre cogerentur, quam consuetudinem CICERO<sup>f</sup> *sumtuosam* vocat, *resperfectionem* g. Numae lege itaque huic mori in funeribus fuit interdictum, qui tamen videtur eo regnante nondum ad Romanos peruenisse, cum PLINIVS<sup>b</sup> dicat: *Romulum lacte, non vino libasse indicio sunt sacra ab eo instituta, quae hodie custodiunt morem, et paulo post haec verba legantur, quod sanxisse eum propter inopiam rei, nemo dubitet.* Ex quibus verbis patet, eo tempore

B

quidem

VISIVM in IACOBI OLIVETI  
editione operum CICERONIS  
Tomo III p. 223

f) l. c. vid. si voles, PAVL.  
LVM MERVLAM *de Legibus*  
in IOHANNIS POLENI *sup-*  
*plementis ad eorumque Thesaurum,*  
Tomo I p. 76

g) Vide IACOBVM GOTHO  
FREDVM *in fontibus quatuor iuris*  
*civilis* ad Tabulam X p. 232. huius  
legis insolentem scripturam vide  
apud IOH. NICOL. FVNC  
CIVM *ad Leges XII Tabularum*  
p. 447

b) l. c.

quidem hanc consuetudinem Romanis vsitatam non fuisse, neque vini apud eosdem frequentem vsum fuisse, Numamque tantum prospicere voluisse, ne aliorum populorum moribus abriperentur. Post Numae tempora videtur hic mos quoque a Romanis in cadauerum crematione adhibitus esse, cum Decemviri eandem retinuerint legem in XII Tabulis<sup>i</sup>. Alterum caput Pompiliae legis ad nos in praesenti non pertinet, cum in eo nihil, quod sumtus coerceat, repariatur. De reliquis regibus Romanis, nulla quidem, quod sciam, huius generis, lex fuit ad nostra tempora transmissa, neque talis, post reges expulsos, vsque ad XII Tabulas, a Decemviris compositas, occurrit. Hinc sine mora XII Tabularum carmina percensebimus, in quorum collectione IACOBI GOTHOFREDUM sequemur ducem.



## CAPVT

<sup>i</sup>) vide Tabulam X eiusque commentarios, inter quos praecipuum IACOBI GOTHOFREDI loco memorato.

<sup>a</sup>) Libro supra memorato Tabula X. GOTHOFREDI rationem scribendi retinuit IANVS VINCENTIVS GRAVINA



CAPVT III

*De sumtu a Deorum manium iure  
remouendo*

Cum in decima Tabula legum Decemuiralium, occurrant carmina de iure sacro, in quibus funerum praesertim ratio definitur, huius etiam Tabulae pleraque capita ad nos pertinere apparet. Primam legem, quae sumtuaria est, ita restituit IACOBVS GOTHOFREDVS<sup>a</sup>, SVMTVS ET LVCTVMA DEORVM MANIVM IVREMOVETO. Antequam ad huius legis interpretationem accedamus, quaedam de diuersitate scripturae exponemus. AYMARVS RIVALLIVS<sup>b</sup> hoc caput sequenti ratione scripsit: DEORVM MANIVM IVRA SANCTA SVNTO HOS LETO DATO DIVOS HABENTO SVMPTVM IN ILLOS LVCTVM QVEMINVNTO. Hoc caput in collectione sua plane omiserunt FRANCISCVS HOTOMANVS<sup>c</sup>, FVLVIVS

B 2

VRSI

in Operum Lipsiensi editione p. 193.

<sup>b)</sup> v. eius *ciuiliu historiaru libri* sue in XII Tabb. commentariorum Libros V qui prodierunt Moguntiae

CIC IO XXXIII statio.

<sup>c)</sup> In *tripartita de legibus XII Tabularum commentatione*, quae prodit Lugduni CIC IO LXIII

VRSINVS<sup>d</sup>, ANTONIVS CONTIVS<sup>e</sup>, FRAN-  
 CISCVS BALDVINVS<sup>f</sup> et LVDOVICVS CHA-  
 RONDAS<sup>g</sup>. Eiusdem legis mentionem iniecit his verbis:  
 SVMTVM MINVUTO, in suo commentario ad Decemuiro-  
 rum leges THEODORVS MARCILIUS<sup>h</sup>. IOHAN-  
 NES NICOLAUS FVNCCIUS<sup>i</sup> peculiari scriptura  
 hanc legem expressit: SVMTOS. LVCTOM. QVE. AF.  
 DEORVM. MANIOM. IOVRRED. REMOVETOD. Omnes,  
 qui hoc caput ad leges Decemuirales retulerunt, CICERO  
 NEM secutos esse, extra omnem dubitationem est positum.  
*Iam cetera*, inquit CICERO<sup>k</sup>, in XII. *Minuendi suntus*  
*sunt, lamentationesque funerum*; ex quibus TVLLII verbis  
 permulti colligunt, singulare caput in XII Tabularum lege  
 fuisse, quod omnes omnino sumtus abrogaret. Deinde vero  
 praecipuis quibusdam sumtuosis consuetudinibus interdicti  
 subsequenter legibus. Et potest sane videri, hanc legem  
 a CICERONE ex Decemuirorum praeceptis fuisse desum-  
 tam, quorum si hoc vnum est? eius est sine dubio senten-  
 tia: in funerum pompis minimas impensas faciendas esse<sup>l</sup>.

## CAPVT

<sup>d</sup>) In notis ad AVGVSTI-  
 NVM de legibus.

<sup>e</sup>) In brevi collectione veteris  
 Legis XII Tabularum fragmento-  
 rum, quam vide in EDMVNDI  
 MERILLII collectione Operum  
 Contianorum Paris. CIO IDCXVI 4to  
 p. 854 segq.

<sup>f</sup>) In commentario de Legibus  
 XII Tabularum.

<sup>g</sup>) Huius restitutionem XII Ta-  
 bularum Historiae Iuris civilis Ro-  
 mani inseruit CHRISTIA-  
 NVS GODOFREDVS HOF-  
 MANNVS Vol. II. p. 284

<sup>h</sup>) In Legis XII Tabularum col-

CAPVT IIII

*Dē rogo ascia non poliēdo*

Cum superior lex, omnes in genere sumtus, in funerum pompa amouendos, praeceperit, nunc, quae sequuntur, XII Tabularum legis capita, variis sumtuum speciebus interdicunt. Prima, quae occurrit, ex IACOBI GOTHOFREDI<sup>a</sup> collectione, est: ROGVM ASCIA NE POLITO. Instituti nostri ratio postulat, vt primo collectorum restitutiones referamus. Aymarvs Rivalli VS<sup>b</sup> hanc legem ita expressit: IN. VRBE. NE. SEPE LITO. NEVO. VRITO. ROGVM. NE. FACITO. ASCIA NE. POLITO. RIVALLIVS cum hanc legem interpretatur, hanc ei affingit, falsam sine dubio, sententiam: *In vrbe neminem neque sepeliendum neque vrendum esse, neque cremationis causa rogom in vrbe exstruendum,*

lecta et interpretamento, in *The-  
saurō Iuris EVERARDI OT-  
TONIS* V. C. Tomo IIII p. 302  
i) l. c. pag. 421. de FVNCCII  
scriptura vide, si lubet, BALTHA-  
SARIS BRANCHV *Observa-  
tionum ad Ius Romanum* Decadem I  
Cap. X pag. 115 et in *Addendis* ad

B 3 dum,  
Decadem primam p. 233  
k) De Legibus Li. II. c. 23  
l) Vide IACOBVM GV-  
THERIVM *de iure manum* in  
IOH. GEORGII GRAEVII  
*Thesaurō antiquitatum Romana-  
rum* Tomo XII p. 1125  
a) l. c. b) l. c. p. 22

*dam, nullum vero monumentum ascia esse poliendum.* ANTONIVS CONTIVS<sup>c</sup> hanc legem eodem fere cum RIVALLIO modo scribit: NE FACITO ROGVM ASCIA NE POLITO. FRANCISCVS autem HOTOMANVS<sup>\*</sup> BALDVINVS<sup>d</sup>, THEODORVS MARCILIVS<sup>e</sup>, FVLVIYS VRSINVS<sup>f</sup>, LVDOVICVS CHARONDAS<sup>g</sup>, et IANVS VINCENTIVS GRAVINAB<sup>h</sup> eadem cum GOTHOFREDO nostro, scriptura vtuntur, a qua tamen pro *mōre* suo FVNCCIVS<sup>i</sup> recedit. Haec lex, ex CICERONIS libris *de Legibus*<sup>k</sup> desumpta, ab omnibus, fuit XII Tabulis inserta, in quibus haec verba sunt: *Hoc plus ne facito. ROGVM ASCIA NE POLITO.* Et si omnes fere conueniunt in eo, *asciam* instrumentum quoddam aedificantibus necessarium fuisse, tamen quale id fuerit, an ad muros<sup>\*</sup> conficiendos, an ad dolanda ligna adhibitum fuerit, plerique dissensere. Multi autem propterea ab eorum sententia, qui *asciam* pro dolabra habuerunt, abalienati sunt, quod in antiquis inscriptionibus saepe haec occurrat formula: SVB ASCIA DEDICARE. Cuius quidem formulae rationem vberius exponere huius loci

c) l. c. p. 864

\*) loco laudato p. 40

d) l. c. p. 141

e) l. c. ead. p.

f) p. 25

g) l. f. l. p. 288

h) pag. 298 similem scripturam retinuit etiam IACOBVS RAEVARDVS *ad leges XII Tabula-*

loci non est, cum abunde explicauerit IOHANNES MATHIAS GESNERVS<sup>1</sup> Vir summus, *asciam* nihil aliud nisi dolabrae speciem fuisse, quod cum ex variis auctorum locis, tum praesertim VITRVVII<sup>m</sup> verbis intelligitur: *Sumatur ascia, et quemadmodum materia dolatur* (ex quo V. C. collegit, *asciam* ligno caedendo aptam fuisse) sic *calx in lacu macerata ascietur, si ad asciam offenderint calculi, non erit temperata*. Quoniam vero patet, *asciam* fuisse dolabrae speciem, facile sententia legis perspicitur; ne scilicet dolata ligna ad rogam adhiberent. Eo vero in sumtuum libidine Romanos processisse, vt non dolatis, sed pictis etiam, rogis vterentur, docte ADRIANVS TVRNEBVS<sup>n</sup> ex PLINIO demonstrauit.



CAPVT

rum pag. 55. Helmstadii 4to d. a.

CICERO LXII

i) p. 425

k) Li. II. c. 23

l) Thesauri L. L. Tomo I p. 474

m) Li. 7 c. 2

n) in *Commentario ad Ciceroem de Legibus* p. 170

## CAPUT V

*De riciniis et tibicinibus*

**I**n IACOBI GOTHOFREDI collectione de rogo legem haec excipit: TRIBVS RICINIIS ET X TIBICINIBVS FORIS EFERE IVSESTO. Hocce caput plane omiserunt Aymarvs Rivalivs et Franciscvs Hotomanvs. Franciscvs Baldvinvs<sup>a</sup> huius capituli quidem aliquam fecit mentionem, neglectis tamen verbis. A Gothofredi restitutione multum distat Lvdovici Charondae<sup>b</sup>, neque plane cum ea convenit Antonii Contii. Charondas Decemviralem legem hanc fuisse auctor est: TRIA RICINIA RICA PURPVREA DECEM TIBICINES NEC AMPLIVS SVNTO. E contrario Contius<sup>c</sup> scribit: TRIBVS RICINIIS ET CLAVIS PURPVREIS ET DECEM TIBICINIBVS INDVCENDO FVNERE VT VNTOR. Quod ad ipsius huius legis auctoritatem attinet, extra omnem dubitationem pos-

<sup>a</sup>) p. 143<sup>b</sup>) p. 288. No. LXXXVI<sup>c</sup>) p. 564<sup>d</sup>) d. V. S. sub RECINIVM,



positum esse videtur, in XII Tabulis Riciniorum mentionem factam fuisse, cum ex FESTI<sup>4</sup> quodam loco hoc satis clare appareat. *Recinium*, inquit ille, *omne vestimentum quadratum*. *II*, qui duodecim interpretati sunt, *esse dixerunt virilem togam, qua mulieres utebantur, praetextum clauo purpureo, unde reciniati mini planipedes, quam rem diligenter exsequitur Santra Libro secundo de proprietate verborum*. CICERONIS<sup>5</sup> etiam verba manifeste ostendunt, in XII Tabulis aliquid de Riciniorum numero fuisse definitum. *Extenuato igitur sumtu, sunt haec CICERONIS verba, tribus riciniis et vinculis purpureae, et decem tibicinibus, tollit etiam lamentationem*. Iam ex his locis, ni fallor, commode potest sententia huius capituli Decemuiralis intelligi, atque videtur mihi omnino hoc in loco, CONTII probabilior, quam ipsius GOTHOFREDI, restitutio. Etenim, tria videntur in hoc capite fuisse definita. I.) *Reciniorum numerus*. II.) *Tibicinum numerus*. III.) *Vsus clauo purpurei*. Haec omnia in hac lege fuisse coniuncta ex CICERONIS et FESTI supra recitatis verbis planissime confici posse arbitror: si vero in praesenti quis quaerere vellet, quid sit Recinium, et cur numerus reciniorum fuerit coercitus, et

C . . . . . quem

RICA et ORCHESTRA.

c) Li. II. de Legibus c. 22. con-

fer ad hunc locum ADRIANI

TVRNEBI annotationes p. 175.

quem tandem usum in funcribus habuissent? non sane, quid certi responderem; expeditum haberem. Ita enim fuit super hoc capite in diuersas partes disputatum, et tot docti viri super eo decertarunt, ut si ego hanc litem componere vellem, parum virium mearum rationem habuisset viderer. Si vero colligantur summorum Interpretum sententiae, in duas partes plerumque discedunt, ut et nuper ad hoc caput IOHANNES NICOLAUS FVNCCI VS *f* animaduertit. Alii *z* enim hanc amplexi sunt sententiam, ut ipsi cadaueri haec ricinia Romanos addidisse putarent; alii vero mulieres hisce vestibus, luctus indicandi causa vsas, fuisse existimarunt *b*. De TIBICINVM numero satis clare pronuntiatur. Etenim satis constat, Tibicines adhibuisse Romanos in funerum pompa *i*. Ne tamen quidam nimis magnum numerum tibicinum adhiberent, decem adhiberi tantum permissum fuit *k*. Qualem tamen usum clauis purpurei praestiterint, non satis patet. Sunt enim alii, qui riciniis clauos purpureos intextos fuisse dicant *l*; alii qui purpureis vinculis ricinia cadaueri adstrinxisse existiment. Neque utraque sententia veritatis destituitur specie.

CAPVT

*f*) l. c. p. 428.*g*) inter quos est IACOBVS GOTHOFREDVS.*h*) inter quos est IACOBVS RAEVARDVS et IACOBVS GVTHERIVS.*i*) potest hoc disci ex OVIDII *Fastorum* Li. VI. v. 657 sqq.*Temporibus veterum tibicinis vsus auorum**Magnus, et in magna semper honore fuit.**Cantabat fanis, cantabat tibia ludis,**Cantabat moestis Tibia funcribus.*

CAPVT VI

*De ossibus legendis*

Solemne olim fuisse, antiquissimis Romae temporibus, vt vni duo funera facerent, ex lege, qua huic consuetudini interdictum est, intelligitur. Hanc legem GOTHOFREDVS in XII Tabulis ita restituit: HOMINI MORTVO OSSA NE LEGITO QVO POST FUNVS FACIAS EXTRA QVAM SI BELI ENDOVE HOSTICO MORTVS ESCIT. FVLVIVS VRSINVS<sup>a</sup> simili fere cum GOTHOFREDO scriptura vsus est. CONTIVS<sup>b</sup> autem hanc legem expressit: HOMINI MORTVO NE OSSA LEGITO QVO POST FUNVS FACIAT NI IS ENDO DVELLO PERGRIVE MORTVVS SIET. In MARCILII<sup>c</sup> collecta hoc caput sic legitur: NE OSSA LEGITO QVOI POST FV

C 2

NVS

k) hoc etiam OVIDIVS l. c. v. 663 demonstrat.

Adde, quod Aedilis, pompam qui funeris ivent  
Artifices solos, infferat esse de-  
cem.

Ad hunc locum suspicatus est GOTHOFREDVS legendum esse pro Aedilis, Edictis, et pro inffe-  
ria inuicem, vbi l. c. p. 565.

vulgaris lectio mihi magis probatur. l) l. c. p. 1125.

a) FVLVII VRSINI scriptura haec est HOMINI. MORTVO. OSSA. NEI. LEGITO QVO. POST. FONVS. FACIAT EXTRA. QVAM. SEI. QVIS FORIS. MEILITIAEQ. MORTVOS. SIET b) l. c. p. 565.

NVS FAXIT. Alii vero, in quibus est RIVALLIVS cum BALDVINO, hoc caput neglexerunt.

Inter se maxime diuerfas esse duas rationes loquendi, *mortuo ossa legere et mortui hominis ossa legere*, annotauit MERVLA<sup>d</sup>. Qui, *mortuo ossa legere*, dicit aliquod membrum abscindere, vt post crematum reliquum corpus funus institui possit. Quod optime ex FESTI<sup>e</sup> verbis cognoscitur: *Membrum abscindi mortuo dicebatur, cum digitus decidebatur, ad quod seruatum iusta fierent, reliquo corpore combusto*. Haec FESTVS. Hoc quoque fragmentum legis XII Tabularum, vt reliqua fere omnia, a CICE RONE<sup>f</sup> relatum est: *Cactera item funebria, quibus luctus augetur, duodecim fustulerunt. Homini, inquit (lex XII Tabularum) mortuo ne ossa legito, quo post funus faciat, excipit bellicam peregrinamque mortem*. Ex quibus CICE RONIS verbis efficitur, in XII Tabulis hoc caput fuisse. Sententia huius capituli est, ne ossa mortuis legant, (quod, quid sit, supra fuit explicatum) quo post fustus faciant. Nul lam aliam ob causam hanc legem a Decemuiris fuisse scriptam, quam vt sumtus funebrium minueretur, ex CICERO NIS verbis cognoscitur.



## CAPVT

d) l. c. cap. 8

e) de V. S. v. Li. XI in editione

in Vsum Delphini facta p. 236.

f) de Legibus Li. II c. 24. et



CAPVT VII

*De seruili vnctura atque  
circumpotatione*

Summam curam Decemuiros in eo posuisse, vt funerum sumtus minuerentur, patet ex eo, quod de omnibus fere constituerunt, quae, quod sumtuosa essent, poterant molesta pauperibus fieri. Huius generis erat antiquis temporibus, quibus XII Tabularum lex fuit proposita, seruili vnctura. Quam sustulerunt, referente IACOBÓ GO THOFREDO, lege sequenti. SERUILIS VNCTURA OMNISQVE CIRCUMPOTATIO AVFERITOR. Aliam legem huic capiti adiungit FVLVIVS VRSINVS: SERUILIS.VNCTVRA.CIRCUMPOTATIOQVE.QVOM.FONVS.EXSEQVANTOR.VINEIVE.RESPERSIO.NEI.FVAT.ACERAS.SEPOLCREIS . . . LONGAS.KO-

TO OMNEMQUE CIRCUMPOTATIONEM. FRANCISCVS<sup>c</sup> BALDVINVS<sup>d</sup> et MARCILIVS vnam fere eandemque cum GOTHOFREDO seruant scribendi formulam. RIVALLIVS hanc legem omnino ignorat. Variæ fuerunt interpretationes seruilis vncturae. Fuerunt quidam<sup>e</sup>, qui prohibitum fuisse putarent, ne vncti serui in funebri pompa procederent. Alii hanc huic legi tribuerunt sententiam, ne seruorum cadauera vngerentur<sup>f</sup>. Alii optimam, si quid video, amplexi sententiam, hoc caput interpretati sunt de pollinctorum familia. Ex hac interpretatione Decemviri sanxerunt, ne cadauera a seruis, qui Pollinctores dicebantur, vngerentur, in vnctione autem circumpotationem fuisse ex LIVIO<sup>g</sup> ostendit MARCILIVS<sup>h</sup> quam cum vnctura simul sublatam fuisse demonstrat.



## CAPVT

c) p. 45. l. c. d) p. 144. l. c.  
 e) inter quos est CONTIVS l. c.  
 f) hanc sententiam amplectitur  
 RAEVARDVS pag. 58. HOFF  
 MANNVS. l. c. pag. 271. et, qui

fideliter hunc secutus est, TER  
 RASSONIVS l. c. p. 190. quan-  
 quam non negari potest, GOTHO  
 FREDVM hoc caput eodem mo-  
 do explicare.

## CAPVT VIII

*De murrata potione*

**P**raeter vincturae autem impensas, alios sumtus Romanos fecisse, cum illis fere conuenientes, testimonio est noua Decemuirorum prouidentia, alio capite declarata. GOTHOFREDVS auctor est, Decemuiros scripssisse, MYRATA POTIO MORTVO NE INDITOR. Sed cum iam supra Capite II. sumtuosae resperfusionis naturam indicauerimus, quam CICERO per murratam potionem explicat, hoc loco nihil amplius monendum habemus. Etenim cum constet, regum Romanorum leges permultas fuisse a Decemviris in XII Tabulas relatas, haec sine dubio etiam, quam Numa rex, ut declaratum PLINII loco fuit, proposuit, in XII Tabulas postea fuit recepta. GOTHOFREDVS<sup>b</sup> auctor est, hanc legem et Numae praeceptum in eo tantum discrepasse, quod Numa omnem vini profusionem, et simplicis adeo, interdixerit, Decemuiroi vero murrati tantum,

## CAPVT VIII

*De coronis et acerris*

**A**liud Decemuirorum carmen est: NE LONGAE CORONAE NEVE ACERRAE PRAEFERVNTOR. Duo ex hac lege XII Tabularum capita effinxit LVDOVICVS CHARONDAS<sup>a</sup>. Quorum primum est: NE LONGAE CORONAE SEPVLCRIS IMPONANTVR: Alterum: NE ACERRAE PRAEFERVNTOR. Ex CONTII<sup>b</sup> restitutione plane haec lex ad nos in praesenti non pertinet, cui haec fuisse videtur: NE LONGAE CORONAE NEVE ACERRAE PRAETEREVNTOR. Quae coniectura, quantum cum verisimilitudine pugnet, omnes videbunt, et mirabile sane videri potest MARCILIO<sup>c</sup> eandem emendationem probari potuisse. FVLVIVS VRSINVS<sup>d</sup> hoc caput cum eo coniunxit, quod supra<sup>e</sup> sumus interpretati. HOTO MANVS<sup>f</sup> eandem, quam de GOTHOFREDO retulimus

a) l. f. l.      b) l. c. p. 24.

c) l. c. mouit sine dubio.

d) pag. 24. CONTIVM et MARCILIVM vt hanc sententiam acciperent, locus quidam CICERO

NIS induxit, ubi hanc legem memorat, qui tamen sufficere non videtur ad hanc sententiam confirmandam. CICERONIS verba vide Li. II. de Legibus. c. 24.



mus, emendationem habet. RIVALLIVS in suo opere hanc legem non restituit. Cur vero Decemviri voluerint coronarum vsum tollere, atque quales eae coronae fuerint, non ita est ab omni difficultate liberum, vt statim pronunciari lisque decidi possit. Etenim in laius quoque legis interpretatione, vt in multarum aliarum, in diuersas partes abierunt interpretes. Quibusdam visum fuit, coronas hac lege aureas intelligi earumque vsum fuisse sublatum. Mihi inter diuersas sententias ea maxime fuit probata, quam GOTTFRIDVS MASCOVIUS V. C. in animadversionibus ad GRAVINAM<sup>s</sup> protulit: Qui in ea est sententia, longas coronas breuibus et depressis tantum opponi, et propterea longarum coronarum vsum non fuisse a Decemviris admissum, quod eae diis imponerentur. De acerris quales fuerint, hodie vix certo constare potest, cum ex FESTI quodam loco possit colligi, eius iam tempore controuersias super eo verbo motas fuisse. *Acerra* (inquit FESTVS) *ara, quae ante mortuum poni solebat in qua odores incendebantur.* Alii dicunt *arculam esse thurariam.* Scilicet ubi thus reponebatur<sup>b</sup>. Qualis autem tandem fuerit acerra nihil prae modum interest

Etenim, quod sumptuariis legibus adnumeremus satis, iusta causa videtur adfuisse. Acerras enim susstulerunt Decemviri, quod thus in iis incenderetur. Thuri vero pretium summum et maximum fuisse antiquis temporibus, quibus mercaturae auxilio essent Romani fere plane destituti, facile cognoscitur. Sententia huius legis fuisse videtur, ne in funerum pompa imponerent defunctis longas coronas, et thus ante cadauera comburerent. Singulare quoddam privilegium de coronis concessum fuit iis, qui coronam vel ipsi, vel per seruos meruerant.



## CAPV.T

a) l. c. p. 25. b) l. c. p. 93.  
c) l. c. p. 309. c. LXXXVIII.

d) Li. II *de Legibus* c. 24.  
e) De lectis eorumque usu in su-

C A P V T X

*De funerum repetitione et de  
lectis sternendis*

**H**oc caput apud GOTHOFREDVM sic legitur: VNI  
PLVRA. FVNERA. NE. FACITO. NEVE. PLVRES  
LECTOS. STERNITO. FVLVII VRSINI <sup>a</sup> autem huius  
capitis Scriptura est: PLVSA. FONERA. VNEI. NEI. FACITO  
NEI. VE. PLVSEIS. LECTOS. EN. DO. FERTO. Qua scri-  
bendi ratione etiam vidi PAVLEVM MERVLAM <sup>b</sup> vsu-  
fuisse. MARCILIVS <sup>c</sup> scribit VNI. PLVRA. FVNERA  
LECTOSQVE. PLVRES. NE. INFERTO. NEVE. AVRVM  
ADITO. RIVALLIVS, BALDVINVS et CONTIVS hanc  
legem praetermiserunt. Est vero hoc caput, vt pleraque,  
de quibus diximus, ex CICERONE <sup>d</sup> desumptum. Duo in  
eodem a Decemviris sanciantur: Quorum alterum est, *ne  
plura funera uni facerent.* Quae quidem huius fragmenti  
pars videtur fere nulla explicatione indigere, cum omnino  
conueniat cum eo capite, quod supra de offibus legendis in-

## C A P V T XI

*De auri usu in funere*

**V**ltima in GOTHOFREDI collectione, quae ad nos pertinet, decemuiralis lex est: NE VE. AVRVM. ADITO. AST SI. CVI. AVRO. DENTES. VINCTI. ESCINT. IM. CVM. ILLO. SEPE LIRE. VREVE. SE. FRAVDESTO. Fuerunt, qui hanc legem vel-  
lent cum superiore coniungere, recte autem, si quid video, haec duo capita disiunxit GOTHOFREDVS. Ii enim, qui vnum caput ex hoc et superiore faciunt, haec verba *neue Aurum addito* intelligunt de lectis inauratis. Quod cum faciunt, nimis arctam sane efficere videntur legis voluntatem. Omne enim aurum vetuit mortuis, cum vrentur, addi. Nam si licuisset aurum rude vel factum mortuis addere, quorsum rem tam insolentem, vt dentes auro vinctos, exceperissent? Qui videntur GOTHOFREDO fuisse, decidui auro confirmati, quales forsitan MARTIALIS emtos dixit:

*Thais habet nigros, nuneos Lecania dentes \**

*Quae ratio est? Emtos haec habet, illa suos.*

T A N T V M



a) *Epigrammatum* Li. V cap. 44